


有部百一羯磨

才七

三百九  
傳七

50137





根本說一切有部百一羯磨卷第七

傳

唐三藏法師義淨奉制譯

悔衆教罪之餘

具壽鄔波離請世尊曰行遍住者見有客苾芻來不爲告白其事如何佛言若有客來應須告白時彼苾芻見有客來未解衣鉢遂便前作白言具壽我苾芻某甲故泔精犯僧伽伐尸沙罪如前廣說餘亦許日在願具壽知時客苾芻便現瞋相報言且止癡人莫對我前說行遍住彼便慚耻低頭默而起去時諸苾芻以緣白佛佛言自今以去若客苾芻新至未解衣鉢不須告白彼於異時一一告白





如前被瞋佛言不應一一爲白然須衆集會  
時方爲告白或鳴犍稚令其俗人求寂出已  
至苾芻處而爲告白不應向無苾芻住處設須  
去者亦不應宿於日暮時須適寒溫應作湯  
水與諸苾芻洗足及以塗油彼不欲者油應  
舉置次應正念作早起想方爲卧息若諸苾  
芻行遍住時及摩那馳如我所說不依行者  
得越法罪時有苾芻正行遍住不與其房亦  
不與房利佛言應與下房後應取利  
具壽鄔波離請世尊曰大德如行遍住及行  
摩那馳時聞有苾芻是鬪諍者是評論者或  
復無慚懈怠之類欲至於此其人於彼欲何



所爲佛言知彼惡人欲來此者行遍住人應  
對苾芻捨其行法如是應捨蹲居合掌作如  
是說具壽存念我某甲故泚精犯僧伽伐尸  
沙罪半月覆藏我某甲從僧伽乞行遍住僧  
伽已與我某甲隨覆藏日遍住我行遍住時  
聞有苾芻欲來於此是鬪諍者是評論者彼  
欲於我作無利事我某甲今對具壽前捨行  
遍住已行介許竟餘介許在具壽知我是清  
淨苾芻如其惡大屏息去已還應就彼善淨  
苾芻受其行法應如是受禮敬已蹲居合掌  
作如是說具壽存念我苾芻某甲先故泚精  
犯僧伽伐尸沙罪半月覆藏僧伽與我隨覆

歲日遍住法。我行遍住時。聞有苾芻欲來於此。是鬪諍者。是評論者。彼欲於我作無利事。由此緣故。捨其行法。我某甲。今對具壽受前行法。已行。介許日。竟餘介許日。在願具壽憶知。如於遍住。捨受。既然復本。重收。及摩那。馳悉應如是。

上來明作  
衆教法竟

具壽鄔波離請世尊曰。大德頗得以一白一羯磨。一秉事人。與二人受近圓。不佛言得。即此二人。以誰爲大佛言。無有大小。大德頗得以一白一羯磨。一秉事人。與三人受近圓。不佛言得。即此三人。以誰爲大。亦無大小。大德頗得以一白一羯磨。一秉事人。與四人受近圓。



不佛言不得此有何過佛言無有以衆乘事  
大德於將來世諸苾芻輩寘其念力身器復  
羸彼不能知世尊何處演說斯法此欲如何  
佛言於六大城隨憶當說或復於餘久住之  
處隨一稱說此並無過大德諸國王名若有  
忘者當欲道誰佛言應道勝光王長者應云  
給孤獨鄔波斯迦名毗舍佉大德佛本生處  
忘其城邑欲道何城佛言應道婆羅痾斯王  
王名梵授長者名珊陀那鄔波斯名鄔褒灑  
陀隨意稱說如世尊言有五種事不應書者  
一謂波羅底木又二并此廣釋三諸餘毗奈  
耶四并此廣釋五謂諸有施王所施之物及

別人已物

但非衆物  
皆曰別人

大德當來之世諸苾芻輩身心昧劣至於由  
序尚不能憶如斯之輩欲遣如何佛言應書  
紙葉隨意讀持

畜杖白二

具壽鄔波離請世尊曰若苾芻老朽力薄無  
所堪能若無杖時便不能濟此欲如何佛言  
彼應從衆乞畜杖羯磨應如是乞敷座席乃  
至白言大德僧伽聽我苾芻某甲老病衰朽  
無所堪能若無杖時便不能濟我苾芻某甲  
今從僧伽乞畜杖法願僧伽與我苾芻某甲  
老病衰朽無所堪能作畜杖法是能愍者願



哀愍故第二第三亦如是說次一苾芻先作  
白方爲羯磨

大德僧伽聽此苾芻某甲老朽無力或復身  
病無所堪能若離杖時便不能濟此某甲爲  
老病故今從僧伽乞畜杖羯磨若僧伽時至  
聽者僧伽應許僧伽今與某甲老病無力畜  
杖羯磨白如是

大德僧伽聽此苾芻某甲老朽無力或復身  
病若離杖時便不能濟此某甲爲老病故今  
從僧伽乞畜杖羯磨僧伽今與某甲爲老病  
故畜杖羯磨若諸具壽聽與某甲爲老病故  
畜杖羯磨者默然若不許者說僧伽已與某

甲爲老病故畜杖羯磨竟僧伽已聽許由其  
默然故我今如是持如畜杖羯磨既介鉢絡  
亦然或時杖絡兩事俱聽又如白二差分卧  
具苾芻如是分房及以分飯十二種人一一  
皆介

與外道四月共住白四

具壽鄔波離請世尊曰若外道輩始發淨心  
來投正法請求出家欲何所爲佛言請一苾  
芻作鄔波馱耶於四月內著鄔波馱耶衣食  
僧常食而爲共住諸苾芻衆不知云何欲爲  
共住

佛言如有外道來求出家者其鄔波馱耶應



問障法若遍淨者應可攝受授與三歸及五

學處成鄔波索迦護謂防身語意勿使虧失舊云律儀但是義譯耳

現在僧伽悉應盡集教彼外道致禮敬已在

上座前蹲居合掌作如是說大德僧伽聽我

某甲外道從鄔波馱耶某甲求出家我某甲

外道今從僧伽乞四月內著鄔波馱耶衣食

僧常食而為共住幸願大德僧伽與我某甲

外道於四月內著鄔波馱耶衣食僧常食而

為共住是能愍者願哀愍故第二第三亦如

是說

次令外道離聞處在見處立令一苾芻應先

作白方為羯磨

大德僧伽聽此某甲外道從鄔波馱耶某甲  
求出家此某甲外道今從僧伽乞於四月內  
著鄔波馱耶衣食僧常食而為共住若僧伽  
時至聽者僧伽應許僧伽今與某甲外道於  
四月內著鄔波馱耶衣食僧常食而為共住  
白如是

大德僧伽聽此某甲外道從鄔波馱耶某甲  
求出家此某甲外道今從僧伽乞四月內著  
鄔波馱耶衣食僧常食而為共住僧伽今與  
某甲外道於四月內著鄔波馱耶衣食僧常  
食而為共住若諸具壽聽某甲外道於四月  
內著鄔波馱耶衣食僧常食而為共住者默



然若不許者說此是初羯磨第二第三亦如是說僧伽已與某甲外道於四月內著鄔波馱耶衣食僧常食而爲共任竟僧伽已聽許由其默然故我今如是持若此外道僧伽已與於四月內著鄔波馱耶衣食僧常食而爲共任准求寂例而作馱使

具壽鄔波離請世尊曰大德若彼外道心調伏者方與出家未知云何名心調伏佛言應對彼外道前讚嘆佛陀達摩僧伽所有盛德亦談彼外道所有事業若彼外道聞讚三寶實德之時及聞外道所有事業情有愛樂忿怒在懷形無喜色發起瞋恚此謂外道未調

伏心若外道異此乃至不生瞋恚是謂已調  
伏心

如世尊說五法成就五夏已滿得離依止遊  
歷人間云何爲五一識犯二識非犯三識輕  
四識重五於別解脫經善知通塞及能誦持  
大德若五法成就五夏已滿得離依止遊歷  
人間者大德有滿四夏善閑五法此人亦得  
離依止不

佛言不得以五歲爲定量故大德有滿五夏  
未闕五法此人得離依止不佛言不得以五  
法成就爲定量故大德若苾芻善明三藏證  
會三明已除三垢纔三夏此人亦須依止師



佛言不由未得已得未證已證未悟已悟得  
離依止然由順所制事由此要須滿五夏五  
法成就得離師去若到餘住處得齊幾時不  
須依止佛言不作歇心更求依止得停五夜  
如世尊說若滿十夏如上五法成就得離依  
止乃至得畜求寂者

大德若有苾芻受近圓已生年八十滿六十  
夏於別解脫經未曾讀誦不了其義此欲如  
何佛言雖滿六十夏亦須依止大德當依何  
人佛言依止老者如無老者小者亦得大德  
若於師禮此欲如何佛言唯除禮拜餘悉應  
作此人名為老小苾芻

如世尊說若滿七歲能駢烏者得與出家夫  
德有滿六歲於僧伽食廚處能作駢烏彼亦  
合與出家不佛言不合要滿十歲爲定量故  
大德有滿七歲於僧伽食廚處不能駢烏彼  
亦合與出家不佛言不合要能駢烏爲定量  
故大德若有苾芻七德成就應教授苾芻尼  
者若未差應差若已差不應捨去何爲七一  
者持戒二者多聞三者任位耆宿四者善都  
城語五者不曾以身汚苾芻尼六於八他  
勝法所有開遮能廣宣說七於八尊敬法善  
能開演何謂持戒於四他勝中一無虧犯何  
謂多聞於別解脫經皆已讀誦何謂任位耆



宿滿二十夏或復過此何謂善都城語謂解  
當處大城談說何謂不曾以身汚苾芻尼謂  
身不觸苾芻尼餘二如文可知既具七德如  
是應差敷座席鳴捷椎作言白已先問能不  
汝某甲苾芻能教授苾芻尼增上戒增上心  
增上慧不被答言能

次一苾芻應先作白方為羯磨

尼來請教授  
所有軌式如

下應知上座量  
時以答其事耳

教授苾芻尼白二

大德僧伽聽此苾芻某甲能往教授苾芻尼  
衆增上戒增上定增上慧若僧伽時至聽者  
僧伽應許僧伽今差此苾芻某甲往教授苾

芻尼衆增上戒增上定增上慧白如是  
次作羯磨

大德僧伽聽此苾芻某甲能往教授苾芻尼  
衆增上戒增上定增上慧僧伽今差苾芻某  
甲爲教授苾芻尼衆增上戒增上定增上慧  
若諸具壽聽差此苾芻某甲爲教授苾芻尼  
衆增上戒增上定增上慧者默然若不許者  
說僧伽已差此苾芻某甲往教授苾芻尼衆  
增上戒增上定增上慧竟僧伽已聽許由其  
默然故我今如是持若此苾芻旣得法已應  
往教授尼衆勿致疑惑

佛言若無廣教授人應爲略教授所有法式



我今當說諸苾芻尼衆每至半月應就苾芻  
住處禮大衆已作如是言大德僧伽聽其寺  
苾芻尼衆和合頂禮其寺大德僧伽足敬問  
大德少病少惱起居輕利氣力安不我苾芻  
尼衆於此半月來請教授苾芻尼人上座報  
曰姊妹其寺苾芻尼衆並和合不尼應荅言  
衆並和合

又問於半月月中無過慙不尼荅言無姊妹須  
知於此衆中無有苾芻於半月內能往教授  
苾芻尼衆汝諸姊妹當自勤修莫爲放逸尼  
應合掌荅云娑度

凡苾芻尼入苾芻寺時旣到門所應白苾芻

方可前進如不白者得越法罪應如是白於  
一苾芻致禮敬已應作是說大德我苾芻尼  
某甲今欲入寺苾芻報曰非造過者應入尼  
荅言無作是語者善如不說者得越法罪

諫苾芻尼雜住白四

尔時室羅伐城有二苾芻尼一名可愛二名

隨愛雜亂而住尼白苾芻苾芻白佛佛告諸  
尼應可屏諫乃至白四羯磨諫彼二尼若更  
有如是流類同前集衆令一尼作白羯磨大  
德尼僧伽聽此可愛隨愛二苾芻尼雜亂而  
住掉舉戲笑更相打拍諸尼屏諫莫雜亂住  
雜亂住時令善法衰損不得增益應可別住



別住之時善法增益不復衰損彼二諫時堅  
執不捨云此法實餘皆虛妄若苾芻尼僧伽  
時至聽者苾芻尼僧伽應許苾芻尼今與可  
愛隨愛二苾芻尼作不捨雜住不受諫羯磨  
白如是羯磨准白成

諫遮別住白四

諸苾芻尼既奉教已秉白四羯磨諫彼二尼  
堅執不捨即不相附近各別而住時吐羅難  
陀尼詣彼二尼所作如是語具壽何不同居  
雜亂而住若雜亂住令善法增益不復衰損  
諸尼聞已白諸苾芻苾芻白佛佛言乃至白  
四羯磨諫吐羅難陀尼不捨雜住惡見若更

有如是流類應合諫者准上而爲  
大德尼僧伽聽可愛隨愛二苾芻尼雜亂而  
住苾芻尼僧伽秉白四羯磨遮其雜住時彼  
二尼即不相附近各別而住此吐羅難隨尼  
詣二尼所告言具壽可共同居雜亂而住善  
法增長若別住者善法衰損苾芻尼僧伽已  
屏諫堅執不捨云此是實餘皆虛妄若苾芻  
尼僧伽時至聽苾芻尼僧伽應許苾芻尼僧  
伽今與此吐羅難隨苾芻尼作不捨雜住惡  
見白四羯磨白如是次作羯磨准白應爲  
苾芻尼作不禮白二

若苾芻與苾芻尼爲雜住者和合僧伽與作



捨置羯磨其苾芻尼衆與此苾芻作不應禮拜法應如是作敷座席鳴犍稚尼衆既集已令一苾芻尼應先作白方爲羯磨

大德尼僧伽聽彼苾芻某甲和合僧伽與作捨置羯磨苾芻尼僧伽與作不禮拜羯磨若苾芻尼僧伽時至聽者苾芻尼僧伽應許苾芻尼僧伽今與苾芻某甲作不禮拜羯磨白如是大德尼僧伽聽彼苾芻某甲和合僧伽與作捨置羯磨苾芻尼僧伽與作不應禮拜羯磨苾芻尼僧伽今與苾芻某甲作不應禮拜羯磨若諸具壽聽與苾芻某甲作不應禮拜羯磨者默然若不許者說苾芻尼僧伽已

與苾芻某甲作不應禮拜羯磨竟苾芻尼僧  
伽已聽許由其默然故我今如是持

若苾芻既禮僧伽為作捨置羯磨已苾芻尼  
眾亦復與作不禮羯磨竟諸苾芻尼不共言  
談不應禮拜亦纔見時即須起立由此是上  
眾故

諫隨遮苾芻尼白四

既作法已雖不為禮而復隨從更應與作捨  
置羯磨應如是作

大德尼僧伽聽彼苾芻某甲所行非法僧伽  
與作捨置羯磨此苾芻尼某甲知彼所行非  
法亦知得捨置法而復隨從親近承事能令



彼人不遵衆教若僧伽時至聽者僧伽應許  
僧伽今遮此苾芻尼不令親近承事彼苾芻  
某甲白如是羯磨准白成

共見同室白二

時苾芻尼笈多生童子迦攝波已便不共宿  
孩子啼哭諸苾芻尼以事白諸苾芻苾芻白

佛佛言彼笈多尼應從苾芻尼衆乞與孩子  
同一室宿羯磨法敷座席鳴捷稚言白已周  
尼衆既集乃至合掌作如是語

苾芻尼僧伽聽我笈多苾芻尼生子今從苾  
芻尼僧伽乞與孩兒同一室宿羯磨法願苾  
芻尼僧伽聽我笈多與孩兒同一室宿法是

能愍者願哀愍故第二第三亦如是說  
次一苾芻尼應先作白方爲羯磨

大德尼僧伽聽此苾芻尼笈多生男迦攝波  
此笈多今從苾芻尼僧伽乞與孩兒同室宿  
若苾芻尼僧伽時至聽者苾芻尼僧伽應許  
苾芻尼僧伽今與笈多與兒同宿羯磨白如  
是次作羯磨

大德尼僧伽聽此苾芻尼笈多生男迦攝波  
此笈多今從苾芻尼僧伽乞與孩兒同室宿  
苾芻尼僧伽今與笈多與兒同室宿若諸具  
壽聽笈多與兒同室宿者默然若不許者說  
苾芻尼僧伽已聽笈多與兒同室宿竟苾芻



尼僧伽已聽許由其默然故我今如是持若  
苾芻尼僧伽與笈多法已應與孩兒同室宿  
勿起疑惑此謂是小孩權開共宿及其長大  
准法還遮

苾芻尼與俗親往還白二

若苾芻尼遭飢儉歲人懷苦惱乞食難得乃

至親族作如是語而我不能供多人食獨一

身來我當供給此即應從苾芻尼衆乞與俗

親作往還羯磨應如是乞敷座席鳴捷稚言

白已周尼衆旣集乃至合掌作如是說

大德尼僧伽聽我某甲遭飢儉歲人懷苦惱

乞食難得我某甲今從苾芻尼僧伽乞與俗

親作往還羯磨願苾芻尼僧伽與我某甲與諸俗親作往還羯磨是能愍者願哀愍故第二第三亦如是說

次一苾芻尼應先作白方爲羯磨

大德尼僧伽聽此苾芻尼某甲遭飢儉歲人懷苦惱乞食難得此某甲今從苾芻尼僧伽乞與諸俗親作往還羯磨若苾芻尼僧伽時至聽者苾芻尼僧伽應許苾芻尼僧伽今與苾芻尼某甲與諸俗親作往還羯磨白如是次作羯磨苾芻尼僧伽聽此苾芻尼某甲遭飢儉歲人懷苦惱乞食難得此某甲今從苾芻尼僧伽乞與諸俗親作往還羯磨苾芻尼



僧伽今與其甲與諸俗親作往還羯磨  
若諸具壽聽與其甲與諸俗親作往還羯磨  
者默然若不許者說苾芻尼僧伽已聽其甲  
與諸俗親作往還羯磨竟苾芻尼僧伽已聽  
許由其默然故我今如是持若苾芻尼僧伽  
已與作羯磨竟此苾芻尼便得獨行而去諸  
親族家隨意受食如至豐時即不應往若還  
去得越法罪

具壽鄔波離請世尊曰大德有苾芻尼忽尔  
根轉此欲如何佛言應送向苾芻住處所有  
次第皆依本夏大德有苾芻根轉此復如何  
佛言應送向苾芻尼住處亦依本夏大德若

更轉者此欲如何佛言此可依前送至餘處  
若第三更轉應須擯弃不堪共住

大德若有求寂受近圓時其根遂轉成近圓  
不佛言成受近圓應送向苾芻尼住處大德  
受近圓時若有求寂便作是語諸具壽莫授  
我近圓此成近圓不佛言不成鄒波離如受

近圓訖若作是言應知我是求寂

此言授其  
有心欲捨

當尔之時尚非近圓何況正受之際作如是  
語大德如正受近圓時自言我是俗人此成  
近圓不佛言不成鄒波離如受近圓訖若作  
是言我是俗人尚失近圓何況正受之際如  
世尊說苾芻欲捨學處者彼應住念決作捨



心對一苾芻蹲居合掌作如是說具壽存念  
我某甲苾芻於不淨行法不能奉持我某甲  
苾芻今對具壽捨其學處除出家相作俗容  
儀具壽從今知我是俗人如是三說應言與  
單迦若對癡狂心亂之人而捨式又不成捨  
學餘衆准此

令怖白四

佛在室羅伐城時半豆盧呬得迦等

譯為黃赤色

諸苾芻輩是鬪諍者是平論者彼便數數舉  
衆諍事常令僧伽不安樂任能令諍競展轉  
增長諸苾芻以緣白佛佛言汝諸苾芻應與  
半豆盧呬得迦等作令怖羯磨若更有餘如

是流類應如是與有五緣作令怖羯磨是非  
法羯磨是非毗奈耶羯磨僧伽作時得越法  
罪何謂爲五一不作詰問二不爲憶念三無  
其實四不自臣罪五不對面作復有五緣作  
令怖羯磨是如法羯磨是如毗奈耶羯磨僧  
伽無過先作詰問令其憶念其事是實自復  
臣罪對面作法如是應作爲前方便

准上應知次令一苾芻爲白羯磨

大德僧伽聽此苾芻半豆盧呬得迦等闖亂  
僧伽令起諍競彼便數數舉發諍事常令僧  
伽不安樂任若僧伽時至聽者僧伽應許僧  
伽今與半豆盧呬得迦等作令怖羯磨自如



是大德僧伽聽此苾芻半豆盧呬得迦等聞  
亂僧伽令起諍競彼便數數舉發諍事常令  
僧伽不安樂任僧伽今與半豆盧呬得迦等  
作令怖羯磨若諸具壽聽與半豆盧呬得迦  
作令怖羯磨者默然若不許者說此是初羯  
磨第二第三亦如是說僧伽已與半豆盧呬  
得迦等作令怖羯磨竟僧伽已聽許由其默  
然故我今如是持若苾芻僧伽與作令怖羯  
磨已不得與他出家不得授他近圓廣如上  
說

時諸苾芻為半豆盧呬得迦等作令怖羯磨  
既得法已極現恭勤於僧伽處不生輕慢希

求拔濟恒申敬禮界內而任請乞收攝法自  
去我半豆盧呬得迦於此閻諍長為止息諸  
苾芻衆以緣白佛佛言汝諸苾芻先爲半豆  
盧呬得迦等作令怖羯磨者今爲半豆盧呬  
得迦等作收攝羯磨若更有餘如是流類者  
有其五法與作令怖羯磨苾芻若未收攝不  
應收攝何謂爲五一依國王二依諸官三依  
別人四依外道五依僧伽如是之人不應收  
攝復有五法不應收攝云何爲五一承事外  
道二樂親近惡友三供養外道四不願與僧  
伽和合五不願與僧伽同住如是之人不應  
收攝復有五法不應收攝一罵苾芻二瞋恨



三訶責四行不應行五苾芻學處而不修習  
若有五法應可收攝云何爲五一於僧伽處  
自現恭勤不生輕慢二怖求拔濟三恒申敬  
禮四界內而住請求收攝五自云我今於此  
鬪諍更不復作是謂爲五若未收攝者應可  
收攝復有五法應可收攝云何爲五一不依  
國王二不依諸官三不依別人四不依外道  
五不依僧伽是名爲五復有五法與解令怖  
羯磨云何爲五一不於外道而作承事二不  
親近惡友三不供養外道四願與僧伽和合  
五願與僧伽同住是名爲五復有五法與解  
令怖羯磨云何爲五一不罵苾芻二不瞋恨

三不訶責四行所應行五於苾芻學處而常  
修習是名爲五旣調伏已應與收攝羯磨爲  
前方便准上應知乃至半豆盧呬得迦等作  
如是言

大德僧伽聽我苾芻半豆盧呬得迦等是闍  
亂者是諍競者我便數數舉發諍事常令僧  
伽不安樂任由是僧伽於我等輩爲作令怖  
羯磨我得羯磨已於僧伽中極現恭勤不生  
輕慢恠求拔濟恒申敬禮界內而任請求收  
攝我於闍諍永爲止息願大德僧伽與我半  
豆盧呬得迦等解令怖羯磨是能愍者願哀  
愍故第二第三亦如是說次一苾芻爲白羯



磨

大德僧伽聽此半豆盧呬得迦諸苾芻等聞  
乱僧伽今起諍競復便數數舉發諍事常令  
僧伽不安樂住僧伽先與半豆盧呬得迦諸  
苾芻等作令怖羯磨此半豆盧呬得迦諸苾  
芻等得羯磨已於僧伽中極現恭勤不生輕  
慢今從僧伽乞解令怖羯磨若僧伽時至聽  
者僧伽應許僧伽今與半豆盧呬得迦諸苾  
芻等解令怖羯磨白如是

大德僧伽聽此半豆盧呬得迦諸苾芻等聞  
乱僧伽今起諍競復便數數舉發諍事常令  
僧伽不安樂住僧伽先與半豆盧呬得迦等

作令怖羯磨此半豆盧𠵼得迦諸苾芻等得  
羯磨已於僧伽中極現恭勤不生輕慢今從  
僧伽乞解令怖羯磨僧伽今與半豆盧𠵼得  
迦諸苾芻等解令怖羯磨者默然若不許者  
說此是初羯磨第二第三亦如是說僧伽已  
與半豆盧𠵼得迦諸苾芻等解令怖羯磨竟  
僧伽已聽許由其默然故我今如是持

根本說一切有部百一羯磨卷第七 傳

寡其瓦上俱反疵斯八上尼反珊蘇干反歇許謁反笈多其上

業四虛器反



